

Шак куни рўза тутса бўладими?

03:27 / 29.05.2017 4408

Савол: Шак куни рўза тутса бўладими?

Жавоб: [Шайх Муҳаммад Содиқ Муҳаммад Юсуф](#)

Шак куни нафл рўза тутмоқ одатда тутиладиган рўзасига тўғри келиб қолганлар ва хос кишилар учун афзалдир. Улардан бошқалар кундузнинг ярмидан кейин оғизларини очадилар.

Шак куни Рамазондан бошқа вожиб рўзани ният қилиш макруҳдир.

Агар эртага Рамазон бўлса, рўза тутдим, бўлмаса йўқ, деб ният қилса, рўзаси рўза бўлмайди.

Рамазон рўзаси ва ундан бошқа рўза ниятида тараддудга тушиш макруҳдир. Агар эртасига Рамазонлиги аён бўлса, рўза Рамазон рўзаси ўрнига ўтади. Бўлмаса, нафл бўлади.

Ким рўза тутиш ёки очиш ҳилолини ёлғиз ўзи кўрса ва унинг гапи рад қилинса ҳам рўза туттади.

Агар тутмаса, қазосини туттади. Унга каффорот вожиб бўлмайди.